



Il musical «Pur nubil, tschercha...» es sto il punct culminant da la finischiun da scoula.

FOTOS J. PINGGERA

Grand success pel musical «Pur nubil, tschercha...»

■ (anr) Per la finischiun da scoula haun ils scolars da la scoula primara da S-chanf musso grandas prestaziuns. Cun lur musical «Pur nubil, tschercha...» haun els inchanto ad ün vast public. La scoula da S-chanf, voul dir la scoula fin la 6vla classa primara, haun preschanto lur musical cul titul «Pur nu-

bil, tschercha...» la fin da l'eivna passada ad ün grand publicum. Passa 400 persunas haun chatto la via aint illa sela da gimnastica da S-chanf per pudair giodair trais grandiusas preschantaziuns. Scenas divertaiplas, texts e chanzuns in s-chet rumantsch haun pissero per ün tratagnimaint chi'd es gnieu stimo da tuot ils spectaturs. Suot la bachetta da la re-

dschissura *Elvira Pünchera Bott* e cun agüd da tuot la magistraglia haun ils 54 iffaunts da la scoula da S-chanf propi pudieu giodair ün grand success. La generusa collecta dals spectaturs ho d'üna vart güdo a pajer ils cuosts da la producziun e da l'otra vart da pussibilter ün viedi da scoula cumünavel da duos dis cun pernotaziun per glivrer quist an da scoula.



Ils scolars da la scoula ed ils scolars da la 6vla classa haun musso üna granda prestaziun.